



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 264

DATUM: 11.12.2019.GODINE



Usluge Saveza PRAVNO SAVJETOVALIŠTE:

Selma Fišek, viši saradnik za pravna
pitanja
fax: + 387 33 552 810
selma@sogfbih.ba

FINANSIJSKO SAVJETOVALIŠTE:

Gregor Jurišić, viši saradnik za
finansijska pitanja
Fax: + 387 33 552 810
gregor.jurisc@sogfbih.ba

Sadržaj biltena:

Održana 11. sjednica Mreže za javne
financije/finansije SOGFBiH

Održana obuka za predstavnike OCD
sa područja Općine Konjic

SOGFBiH na zasjedanju Upravnog
odбора Vijeća za provedbu mira

Održan sastanak gradonačelnika/
načelnika USK i SOGFBiH

Osma godišnja konferencija "Dobra
obuka- bolja uprava"

Početak aktivnosti rješenja urbane
mobilnosti Općine Zavidovići

Potpisan ugovor za industrijsku reciklažu
otpada u Općini Prozor-Rama

Dani općina/gradova za mjesec
decembar/prosinac

Bilten Saveza općina i gradova Federacije Bosne i Hercegovine

ODRŽANA II. SJEDNICA MREŽE ZA JAVNE FINACIJE/FINANSIJE SAVEZA OPĆINA GRADOVA FEDERACIJE BOSNE I HERCEGOVINE: VRATITI JAVNI NOVAC BLIŽE

GRADANIMA!

U četvrtak, 5.12.2019. godine, u Hotelu Ibis Styles Sarajevo, u Sarajevu, održana je II. sjednica Mreže za javne financije/finansije Saveza općina i gradova Federacije Bosne i Hercegovine. Mreža za javne financije/finansije Saveza općina i gradova FBiH je konzultacijsko i savjetodavno tijelo za financije u okviru Saveza općina i gradova FBiH i zajednička platforma pomoćnika načelnika/gradonačelnika iz oblasti financija za kreiranje konstruktivnih prijedloga, inicijativa i aktivnosti za jačanje finansijske pozicije jedinica lokalne samouprave (dalje u tekstu: JLS) u FBiH, te jačanje suradnje i koordinacije pomoćnika načelnika/ gradonačelnika za financije. U uvodnom obraćanju nazočne su pozdravili gđin. Josip Jurišić, predsjednik Mreže, gđa. Vesna Travljanin, direktorica Saveza općina i gradova FBiH i gđa. Mirela Bubalo, predstavnica Općine Novi Grad Sarajevo.

Na II. sjednici Mreže diskutirani su *Politika jačanja finansijske pozicije općina i gradova u FBiH* i prijedlog Strategije javnog zagovaranja ove politike, koje je sažeto predstavio gđin. Gregor Jurišić, viši suradnik za finansijska pitanja SOGFBiH. Ova *Politika* predstavlja analitički zasnovanu, argumentiranu i validnu osnovu SOGFBiH za neophodne izmjene Zakona o pripadnosti javnih prihoda u FBiH, s ciljem finansijskog jačanja pozicije općina i gradova u FBiH u raspodjeli javnih prihoda. Naime, općine i gradovi u FBiH se godinama suočavaju s kroničnim nedostatkom sredstava za financiranje javnih potreba, jer **postoji nerazmjjer između pripadajućih prihoda i objektivnih rashodovnih potreba općina i gradova**. Ovaj nerazmjjer nastaje ponajviše iz dva razloga. Prvi razlog je što su općinama i gradovima umanjeni prihodi od indirektnih poreza umanjnjem osnovice za raspodjelu ovih prihoda iznosom otplate vanjskog duga FBiH, tj. općine i gradovi **otplaćuju vanjski dug viših razina vlasti, koji nije nastao kao rezultat zaduženja općina i gradova**. Drugi razlog je činjenica da **više razine vlasti općinama i gradovima prenose nove funkcije i nadležnosti, bez prijenosa sredstava za njihovo izvršavanje**, što dovodi do rasta troškova u općinskim/gradskim proračunima. Korijen problema financiranja općina i gradova je neadekvatan sustav pripadnosti javnih prihoda u FBiH, koji je zasnovan na potrebama i funkcijama općina i gradova u FBiH iz 2006. godine, kada je razina otplate vanjskog duga FBiH, kao i rashodovne potrebe JLS, bila znatno manja. **SOGFBiH ima jasan i decidan odgovor na ovaj problem: (1) povećanje udjela općina i gradova u FBiH u raspodjeli prihoda od indirektnih poreza sa sadašnjih 8,42% na 9,81%. Ovo povećanje bi općinama i gradovima nadoknadilo iznos umanjenja prihoda nastao temeljem otplate vanjskog duga viših razina vlasti; te (2) povećanje udjela općina i gradova u FBiH u raspodjeli prihoda od izravnih poreza (poreza na dohodak i poreza na dobit).**

Okosnica *Politike jačanja finansijske pozicije JLS u FBiH* zapravo je **vraćanje javnog novca bliže građanima**. Općine i gradovi su razina vlasti najbliža građanima, koja poznaje njihove svakodnevne probleme i zadovoljava njihove osnovne potrebe za javnim uslugama, te daje najopipljivije rezultate. Stoga, slabom finansijskom pozicijom općina i gradova u Federaciji BiH **ugroženi su kvaliteta života građana i lokalni ekonomski razvoj**.

Naznačeno je da će SOGFBiH u narednom razdoblju komunicirati i predstaviti ove politike Federalnom ministarstvu financija, predstavnicima zakonodavne i izvršne vlasti u FBiH, predstavnicima međunarodne zajednice kao i javnosti.

Također, na II. sjednici Mreže predstavnik Sektora za upravljanje javnim dugom Federalnog ministarstva financija, gđin. Besim Pašalić, predstavio je Nacrt zakona o dugu, zaduživanju i garancijama u FBiH, koji predstavlja izuzetno važnu materiju za proces upravljanja financijama na lokalnoj razini. Naznačene su razlike i novine u odnosu na dosadašnji zakon. Šefovi općinskih i gradskih financija iskoristili su priliku izložiti svoje primjedbe, komentare i sugestije na predloženi Nacrt zakona predstavniku Federalnog ministarstva financija, s ciljem razmatranja i eventualnog uvrštavanja ovih sugestija u konačni Prijedlog zakona.

Članovima Mreže se obratio i gđin. Ahmed Hodžić, rukovoditelj Odjela trgovine i nadzora Sarajevske berze- burze (SASE), koji je predstavio mogućnost zaduživanja emisijom municipalnih obveznica, s ciljem financiranja velikih lokalnih javnih investicija. Municipalne obveznice pružaju općinama i gradovima mogućnost financiranja infrastrukturnih i ostalih kapitalnih projekata, za koja, inače, ne bi mogla osigurati sredstva u svojim budžetima. Ovaj vid zaduživanja pruža i povoljnije uvjete financiranja u odnosu na klasično kreditno zaduživanje, te uključivanje građana u proces odlučivanja o velikim lokalnim investicijama.

Sjednica Mreže se realizira u okviru projekta Jačanje saveza općina i gradova u BiH, koji financiraju Vlada Švedske i Vlada Švicarske.

KORISNI LINKOVI ZA PREDPRISTUPNE FONDVE EU:

www.southeast-europe.net
www.europa.ba
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.balkanfund.org



Zajednička fotografija nakon sjednice

ODRŽANA OBUKA ZA PREDSTAVNIKE OCD SA PODRUČJA OPĆINE KONJIC



Sa obuke održane u Konjicu

Savez općina i gradova Federacije Bosne i Hercegovine u okviru projekta „Podrška razvoju uslužno orijentisane lokalne samouprave u Federaciji Bosne i Hercegovine“, održao je dvodnevni trening za predstavnike organizacija civilnog društva sa područja općine Konjic na temu: **„Upravljanje projektnim ciklusom“**. Obuka je održana 21. i 22. novembra u sali Općinskog vijeća Općine Konjic a učešće je uzelo 27 predstavnika iz 17 OCD.

Cilj treninga je pružiti predstavnicima OCD dodatna znanja o upravljanju projektnim ciklusom, kako bi mogli kvalitetno osmišljenim i napisanim projektnim

prijedlozima aplicirati na javni poziv Općine Konjic, ali i na pozive drugih, domaćih i međunarodnih donatora.

Aktivnosti projekta „Podrška razvoju uslužno orijentisane lokalne samouprave u Federaciji Bosne i Hercegovine“ naslanjaju se na Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU) a sprovodi Razvojni program Ujedinjenih nacija (UNDP). Projekat se realizuje u Albaniji, Bosni i Hercegovini (BiH), Sjevernoj Makedoniji, Kosovu, Crnoj Gori i Srbiji i ima za cilj da jača partnerstva između jedinica lokalne samouprave (JLS) i civilnog društva afirmišući uspješan modela transparentnog projektnog finansiranja organizacija civilnog društva (OCD).

Općina Konjic, iako nije partnerska općina na projektu ReLOaD opredjelila se za primjenu LOD metodologije, odnosno za transparentni način dodjele sredstava kroz projektni pristup podstičući konkurenciju među OCD. Općinsko vijeće Općine Konjic je 27. februara 2019. godine donijelo Odluku o usvajanju LOD metodologije i Odluku o načinu odabira projekata nevladinih/neprofitnih organizacija po LOD metodologiji.





SAVEZ OPĆINA I GRADOVA FBiH NA ZASJEDANJU UPRAVNOG ODBORA VIJEĆA ZA PROVEDBU MIRA

Politički direktori Upravnog odbora Vijeća za provedbu mira (Peace Implementation Council – PIC) sastali su se u Sarajevu 3. i 4. prosinca 2019., kako bi razmotrili stanje provedbe Općeg okvirnog sporazuma za mir, koji i dalje predstavlja temelj za stabilnu, sigurnu i prosperitetnu Bosnu i Hercegovinu (BiH).

Prvog dana zasjedanja, 3.12. 2019. godine, na sjednici su se direktorima Upravnog odbora PIC-a obratili i predstavnici lokalne vlasti u BiH: Ivan Vukadin, načelnik Općine Tomislavgrad i predsjednik Predsjedništva Saveza općina i gradova FBiH; Edis Dervišagić, gradonačelnik Grada Gradačac; Suad Huskić, načelnik Općine Tešanj; Vesna Travljanin, direktorica Saveza općina i gradova FBiH; Zoran Adžić, gradonačelnik Grada Gradiška, Milan Miličević, načelnik Opštine Teslić, te Aco Pantić, generalni sekretar Saveza opština i gradova Republike Srpske, koji su predložili primjere dobre prakse na općinskoj razini. Direktorica SOGO FBiH, Vesna Travljanin, naglasila je problem nepoštivanja Europske povelje o lokalnoj samoupravi u FBiH, pogotovo u segmentu neadekvatnog financiranja općina i gradova u FBiH i nejasno definiranih nadležnosti. Također, istaknula je i da SOGO FBiH, kao krovna institucija i zakonski predstavnik lokalne samouprave u FBiH, inzistira na poštivanju i provedbi Europske povelje o lokalnoj samoupravi, Zakona o principima lokalne samouprave FBiH i presuda Ustavnog suda FBiH, donošenju novog Zakona o pripadnosti javnih prihoda u FBiH, u kojem bi koeficijent pripadnosti prihoda od indirektnih poreza općinama i gradovima bio 9,81% umjesto sadašnjih 8,42%, izuzimanju općina i gradova iz otplate vanjskog duga FBiH za koje se općine i gradovi nisu zadužili, donošenju Zakona o financiranju JLS u FBiH, uključivanju najrelevantnijih oblasti za jedinice lokalne samouprave u FBiH u dokument *Zajedničke socioekonomske reforme za period 2019.-2022.*, uključivanju predstavnika Saveza u provedbu ovog dokumenta, većoj uključenosti općina i gradova u procese EU integracija, te rješavanju problema s migracijama, imajući na umu da je oblast migracija isključiva nadležnost državne razine vlasti.

Također, naznačeno je da je općinama i gradovima u FBiH potreban jak Savez, putem kojeg će adresirati svoje inicijative prema višim razinama vlasti, s ciljem osnaživanja JLS.

Upravni odbor PIC-a pozdravio je fokusiranost gradonačelnika i načelnika na poboljšanje kvalitete života građana kroz dobru praksu i suradnju između općina širom zemlje. Upravni odbor PIC-a sa zadovoljstvom je konstatirao da gradonačelnici i načelnici surađuju neovisno od etničkih, administrativnih i političkih linija razgraničenja, kako bi jedni od drugih naučili kako odgovoriti na potrebe njihovih zajednica. Upravni odbor PIC-a poziva sve čelnike da slijede put napretka i pomirenja.

Očekuju se naredni koraci od OHR po pitanju zahtjeva predstavnika lokalne samouprave.



Sa sjednice Upravnog odbora PIC-a



Sa sjednice Upravnog odbora
PIC-a

ODRŽAN SASTANAK GRADONAČELNIKA/NAČELNIKA UNSKO-SANSKOG KANTONA I SAVEZA OPĆINA I GRADOVA FEDERACIJE BiH



Savez općina i gradova Federacije Bosne i Hercegovine je 27.11.2019. godine upriličio sastanak između gradonačelnika/načelnika Unsko-sanskog kantona i predstavnika Saveza općina i gradova Federacije BiH. Sastanak je održan u Općini Ključ.

Teme ovog sastanka su bile saradnja jedinica lokalne samouprave sa područja Unsko-sanskog kantona sa Savezom, izrada Akcionog plana Saveza za 2020. godinu, kao i saradnja Saveza sa Federalnim organima i organima Unsko-sanskog kantona po pitanju konsultacija u postupku donošenja zakonskih propisa.

Direktorica Saveza, gospođa Vesna Travljanin je dala uvodne napomene navodeći da je cilj sastanka jačanje saradnje između Saveza i jedinica lokalne samouprave sa područja Unsko-sanskog kantona.

Predstavljena je Analiza pripadnosti javnih prihoda jedinicama lokalne samouprave u FBiH koju je izradio Savez, te se raspravljalo i o prijedlogu Saveza za povećanje udjela jedinica lokalne samouprave u Federaciji BiH u raspodjeli prihoda od indirektnih poreza sa trenutnih 8,42 % na 9,81 %, te povećanju koeficijenta za raspodjelu prihoda od poreza na dohodak.

Istaknuto je da je jako bitno da se prijedlozi Saveza komuniciraju prema javnosti i prema članovima Vlade i Parlamenta FBiH, te je s tim u vezi Savez izradio Strategiju lobiranja za usvajanje izmjena Zakona o pripadnosti javnih prihoda u FBiH, te smo trenutno u procesu formiranja radne grupe za lobiranje koju će činiti predstavnici jedinica lokalne samouprave iz različitih regija FBiH.

Direktorica Saveza je istakla da se Savez obratio dopisom Vladi FBiH, ambasadama Švedske i Švicarske u BiH, kao i OHR-u iz razloga što lokalni nivo nije uključen u novu Reformsku agendu, te da je nakon toga na poziv Vlade FBiH održan sastanak na ovu temu, a takođe, Savez je pozvan i na sastanak Vijeća za implementaciju mira (PIC) koji će se održati 03.12.2019. godine. Na ovom sastanku će biti riječi o stanju lokalne samouprave i samog Saveza, kao i prijedlozima za unapređenje.

Jedinstven stav načelnika sa područja Unsko-sanskog kantona je da podržavaju izrađene prijedloge Saveza proizašle iz Analize pripadnosti javnih prihoda jedinicama lokalne samouprave u FBiH i izražavaju spremnost da se uključe u procese javnog zagovaranja kako izmjena Zakona o pripadnosti javnih prihoda u Federaciji BiH tako i uključivanja oblasti lokalne samouprave u reformske procese u FBiH.

Na sastanku je usvojen zaključak da se u grupu za lobiranje Saveza općina i gradova FBiH za izmjene Zakona o pripadnosti javnih prihoda u FBiH sa područja Unsko-sanskog kantona imenuje Armin Halitović, načelnik Općine Bosanska Krupa s tim da se i ostali načelnici uključe po potrebi, te da putem svojih političkih partija zagovaraju za izmjene Zakona o pripadnosti javnih prihoda u FBiH.



Zajednička fotografija nakon sastanka



Grb Općine Ključ

OSMA GODIŠNJA KONFERENCIJA „DOBRA OBUKA-BOLJA UPRAVA“



Sa Osmе godišnje konferencije „Dobra obuka-bolja uprava“

U četvrtak, 21.11. 2019. godine na Vlačiću, u organizaciji Agencije za državnu službu Federacije BiH, održana je Osmе godišnja konferencija „Dobra obuka -bolja uprava“ Na konferenciji je prisustvovalo 59 učesnika: načelnici i gradonačelnici, članovi Koordinacionog tijela za obuku za jedinice lokalne samouprave u Federaciji BiH, kontakt osobe za obuku, predstavnici Saveza općina i gradova u Federaciji BiH, te ključni partneri koji su u proteklom periodu dali punu podršku razvoju sistema obuke i usavršavanja u BiH: Misija OSCE u Bosni i Hercegovini, Razvojni program Ujedinjenih nacija u Bosni i Hercegovini, Švedska agencija za

međunarodnu saradnju i razvoj –SiDA, Price Water Coopers (PWC), Švicarska ambasada u Bosni i Hercegovini.

Konferencija je organizovana u svrhu razmjene informacija i predstavljanje najboljih praksi u okviru sljedećih panel sesija: optimizacija radnih procesa; upravljanje ljudskim resursima; međuopćinska saradnja; participacija građana i lokalne javnosti u radu lokalne samouprave.

U uvodnom obraćanju prisutnima se obratio direktor Agencije za državnu službu FBiH, gđin Refik Begić dajući osvrt na stanje službeničkog sistema u Federaciji BiH i obuku i usavršavanje. U okviru prve panel sesije gđin Abdulah Skaka, gradonačelnik Grada Sarajeva u svom obraćanju je istako da su ljudski resursi ključni faktor za razvoj administracije, a g-đa Dragana Solaković, pomoćnica gradonačelnika Grada Sarajeva ukazala je na značaj razvoja novih tehnologija za uključivanje građana i šire javnosti u rad lokalne samouprave. U okviru druge sesije panelisti: gradonačelnik Grada Tuzla, gđin Jasmin Imamović i gradonačelnica Grada Visoko, gđa Amra Babić, naglasili važnost izmjene zakonodavnog okvira koji uređuje službenički sistem u Federaciji Bosne i Hercegovine. U nastavku Konferencije načelnik Općine Sanski Most, gđin Faris Hasanbegović, predstavio je najbolje prakse saradnje jedinica lokalne samouprave koje su od velikog značaja za razvoj zajedničkih projekata.

Na kraju Konferencije, usvojeni su sljedeći zaključci:

1. Neminovno je rad javne uprave usmjeriti na unapređenje efikasnosti, transparentnosti i odgovornosti javne administracije, te na pružanje poticaja za uključivanje građana u proces donošenja odluka.
2. U vremenu rapidnog razvoja novih tehnologija potrebno je koristiti moderne alate za uključivanje građana i šire javnosti u rad lokalne samouprave.
3. Sistemski urediti politiku upravljanja ljudskim resursima s posebnim osvrtom na uvođenje kadrovskog planiranja zaposlenih na osnovu stvarnih potreba, unapređenja ocjenjivanja, razvoja strategije za zadržavanje najboljih kadrova, te jačati administraciju uz kontinuiranu edukaciju i provjeru znanja.
4. Međuopćinska saradnja od velike je važnosti za realizaciju zajedničkih projekata kroz: - razmjenu iskustava (know how) - primjenu dobre prakse - edukacije zaposlenika kroz razmjenu iskustava, posjete drugim općinama. Optimizacija procesa rada preduvjet je za ostvarenje strateških ciljeva organa uprave, a dostiže se uvođenjem principa potpunog upravljanja kvalitetom.



Sa Osmе godišnje konferencije „Dobra obuka-bolja uprava“

KORISNI LINKOVI ZA PREDPRISTUPNE FONDove EU:

www.southeast-europe.net

www.europa.ba

www.cbc.bih-mne.org

www.srb-bih.org

www.cbc-cro-bih.net

www.programmmed.eu

www.balkanfund.org



Sa Osmе godišnje konferencije „Dobra obuka-bolja uprava“

POČETAK AKTIVNOSTI NA IZRADI RJEŠENJA URBANE MOBILNOSTI OPĆINE ZAVIDOVIĆI

Gledajte Savez općina i gradova
Federacije Bosne i Hercegovine na



Sa radionice održane u Zavidovićima

Prvi sastanak Radne grupe za izradu rješenja plana održive mobilnosti Općine Zavidovići (SUMP), sačinjene od predstavnika/ica iz različitih institucija i nevladinih organizacija, održan je u zgradi Općine 15. novembra 2019. godine. Cilj izrade ovog plana je poboljšanje sigurnosti i zaštite, smanjenje zagađenja potrošnje energije, povećanje efikasnosti i ekonomičnosti u transportu i na kraju povećanje atraktivnosti i kvalitete gradskog života.

Na prvoj radionici članovi tima su imali priliku upoznati se sa konceptom urbane mobilnosti i mogućnostima projekta. U narednoj fazi će se raditi na razvoju zajedničke vizije prvog plana održive urbane mobilnosti Općine Zavidovići (SUMP), te kreiranju vizije i ideje kako općina treba da izgleda u budućnosti.

Općina Zavidovići i Savez općina i gradova FBiH su partneri u regionalnom projektu „[Održiva urbana mobilnost u zemljama jugoistočne Evrope II](#)“ (SUMSEEC II) u okviru Otvorenog regionalnog fonda za jugoistočnu Evropu - energetska efikasnost (ORF-EE). Projekat finansira njemačko Ministarstvo za ekonomsku saradnju i razvoj (BMZ) i implementira ga GIZ.



Grb Općine Zavidovići

POTPISAN UGOVOR ZA INDUSTRIJSKU RECIKLAŽU OTPADA



U uredu načelnika Općine Prozor-Rama potpisan je ugovor za projektiranje, izgradnju, isporuku, ugradnju i puštanje u rad postrojenja za industrijsku reciklažu miješanog otpada kapaciteta do 3t/h, reciklaža 8 vrsta sirovina/ rđf goriva za cementare po sistemu ključ u ruke.

U ime Općine Prozor-Rama Ugovor je potpisao direktor JKP „Vodograd“ Prozor-Rama Branko

Burić, dok je u ime izvođača ugovor potpisao Đuro Horvat, direktor kompanije TEHNIX d.o.o.

Vrijednost ovoga projekta je 1.141.000,00 €, preračunato u KM 2.231.602,03 bez PDV-a.

Projekt bi treba biti završen do svibnja iduće godine. S ovim projektom otvorit će se desetak radnih mjesta. Postrojenje će biti smješteno u Poniru.

Industrijskom reciklažom mješovitog komunalnog otpada dobivamo 8 vrsta sirovina (plastika, karton, papir, PET, MET, tekstil, staklo, metal) proizvodi se eko kompost i RDF gorivo. Sve sirovine su potpuno čiste, baliraju se i plasiraju na globalno tržište za proizvodnju novih proizvoda u industriji.

Prosječna energetska vrijednost suhog RDF goriva u balama je 4 MW po toni.

Preuzeto sa : <https://prozor-rama.org>



Grb Općine Prozor-Rama



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC DECEMBAR / PROSINAC

10. decembar/prosinac - Dan Općine Tešanj. To je dan sjećanja na vakufnamu Gazi Ferhad-bega kojom je 1559. godine utemeljen Tešanj

16. decembar/prosinac - Dan Općine utvrđuje se 16. decembar, iz razloga što je 16. decembra 1977. godine proglašeno obrazovanje ove Opštine. Naime, ukazom Predsjedništva SRBiH o proglašenju Zakona o obrazovanju opština Sarajevsko Polje i Stari Grad Sarajevo od 16.12.1977. godine, obrazovana je Opština Sarajevsko Polje sa sjedištem Skupštine Opštine u Sarajevu, a do tada ista je bila u sastavu Opštine Novo Sarajevo. Ukazom Predsjedništva SRBiH o proglašenju Zakona o izmjenama Zakona o obrazovanju opština Sarajevsko Polje i Stari Grad Sarajevo od 27.09.1978. godine, članom 1. u nazivu i u tekstu Zakona riječi "Sarajevsko Polje", zamjenjuje se riječima "Novi Grad Sarajevo". Naprijed navedenim ukazom, tada novoformirana Opština Sarajevsko Polje, zamijenila je naziv u Opštinu Novi Grad Sarajevo i pod istim funkcioniše i do danas.



Općina Tešanj



Općina Novi Grad Sarajevo



Grb Općine Tešanj



Grb Općine Novi Grad Sarajevo

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.